



TATA IBADAH
PARTONGGOAN RUMAH TANGGA GKPS PADANG BULAN
Live streaming: www.gkpspadangbulan.com/tv
Tata Ibadah: <http://www.gkpspadangbulan.com/tatib>



Suhut : SEKTOR III (BETANI)

Parambilan: Pdt. Ito Belihar Purba, S.Th.M.Sn., **Paragenda/Doding :** St. Jekonia Saragih; **Tonggo Syafaat:** St. Gani Sipayung, **Padalan Galangan:** Sy. Andre Damanik, **Singer:** Ing. Anny Br. Purba, Ing. Friska Br. Sipayung, Sy. Hery Lumbantoruan

Pemusik: Andre Sinulingga

Panorang: Jumat, 15 MEI 2020

1. VOTUM-INTROITUS-TONGGO

P : Ibagas Goran ni Naibata Bapa, pakon Tuhan Jesus Kristus ampa Tonduy Napansing, Sitompa langit pakon tanoh on. Amen

Parlobe ma pindahhi hanima harajaon ni Naibata ampa hapintoran-Ni, dob ai tambahkonon-Ni do ganupan ai bannima. Haleluya

Martonggo ma hita : Ham Tuhan Jesus bona ni malas ni uhur, pasu-pasi ampa hagoluhan. Pujionnami do Ham bani panorang on, halani iojur janah ipargogohi Ham do hanami, gabe tarbahren hanami marhasadaon rap pakon Ham ampa hasomannami. Sai maidop ma uhur-Mu mangidah hanami, jalo Ham ma parsombahon ampa pamujion nami on. Amen

2. MANDODING Hal 407. Puji ma Jahowa (1+2)

1. Puji ma Jahowa Tuhan Naibata, ai marjumbalang do Goran-Ni in Haganupan jolma sai marsambah ma, sai hagoluhkon hata-Ni in Holsoh haganupan mambur, tubuh ma malasni uhur Gok bai pangarapan holong na totap, rap mangolobkon Goran-Ni in

2. Ningon do marsambah bani Naibata, puji ma la pargogoh do in Ulang marnaloja sai irikkon ma, rap mambalosi hata-Ni in Holsoh haganupan mambur, tubuh ma malasni uhur Gok bai pangarapan holong na totap, rap mandodingkon: Haleluya!

3. MAMBASA AYAT BULANAN + HATORANGONNI

4. MANDODING Hal. 207. Bere Ham ma Hatorangan (3+4)

3. Sai martuah ganup hita, na mambahren Jesus arihanni in Ambit sai tongtong ra hita, martenger ni uhur bai Tuhanta in Ham, o Jesus, sai patoguh hanai na i parporangan ase jumpah bai ujungni hamonangan

4. Sai tangihon Ham, O Tuhan, anggo roh martonggo hanai on Bamu Pasu-pasu marlobihan, bereonkon-Mu bai naroh hu Bamu Hasomani Ham hanami, ase hot bai parpadanan Ase ondos hanai on bai hagoluhan

5. Tonggo Syafaat

6. MANDODING Hal.307. Bani na Martonggo Ahu (1+2)

1. Bani na martonggo ahu hu Bamu o Tuhankin. Ajar Ham ma au manjalo ganup na binere-Mu. Mangakuhon songon Jesus bani sitaranon-Niin. Seng rosuhku pasaudonku pitah rosuhmu Tuhan.

2. Atap aha husurahon na dear bai goluhkon. Bahen Ham au pambalosi bani ganup rosuh-Mu. Mangauhon 'pa porsaya 'ge galek pe uhurhon. Seng rosuhku pasaudonku pitah rosuhmu Tuhan.

7. AMBILAN : Lukas 18:1-8

8. MANDODING Hal. 411. Diatei Tupa ma Bamu Ham Naibata (1+2) (Galangan)

1. Diatei tupa ma bamu Ham Naibata, mambaen tupa humpulannami on Igomgom Ham do horja nami on torsa, gok malas uhur do hanai ijon Ibere Ham do damei na tarsulur, sanggah manranggi horja haganup Nuan hanami rap marmalas uhur, mardingat haganup pambaenan-Mu

2. Ipardimata Ham do tong hanai Tuhan, ai sorap do Tonduy-Mu in tongtong
Ase torsa mardalan horja ganupan, Kuasa-Mu do in mambaen sintong
Porini dong rundut ni paruhuran, sirsir do Ham manohu hanai on
Ai hata-Mu do tong na pagolpahon, mambaen tapang nuan ganup ijon

9. TONGGO GALANGAN – PANUTUP – PASU PASU

Parambilan : Domma ipatupu hita galangan puji-pujian pakon tarimakasihta hubani Tuhan humbani bulat ni uhurta. Dear ma Ondoskon hita on hu Bani marhiteri na riap hita marunduk ni uhur laho martonggo.

Martonggo ma hita!

Ham Tuhan Naibata Bapanami, Ham do na dob mambere haganup na porlu bani goluhnami. On pe roh do hanami hu-Bamu martarimakasih anjaha mangkamalaskon hata-Mu na dob ijalo hanami. Jalo Ham ma hanami ampa galangan na niondoskonnami, na gabe hataridahanni hatarimakasihonnami hu Bamu. Pasu-pasu Ham ma galangannami on gabe hadearon ni horja i tongah-tongah ni kuria-Mu. Sai tambahi Ham ma pasu-pasu-Mu, ase lambin margogoh hanami mangkorjahon horja na madear. Ibagas Goranni AnakMu Jesus Kristus Sipaluah hanami. Amen

Riap ma hita martonggo na niajarhon ni Tuhan Jesus hubanta “Ham Bapanami na i nagori atas. Sai napapasing ma GoranMu. Sai roh ma harajaonMu. Sai saud ma harosuh ni uhurMu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman, na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou. Al ham do Simada harajaon, pakon hagogohon ampa hasangapon sadokah ni dokahni. Amen.

Jalo hita ma pasu-pasu humbani Naibata.

Idop ni uhur ni Tuhan Jesus Kristus pakon holong ni atei ni Naibata Bapa, ampa parsaoan ni Tonduy Napasing ma manghasomani hita haganupan. Amen.

Mandoding : Diatei tupa ma, Bamu Ham Naibata
Ham Bapa na i surga, diatei tupa ma. Amen.